

اداره خانه


باب عالی جاده سنده دائرة مخصوصه

آبونه سرائطی

ممالك عثمانیه ده سنه لکی (۶۵)، التي
آیلغی (۳۵) غروشدر. ممالك اجنبیه ده
سنه لکی (۱۷)، آلتی آیلغی (۹) فرانقدر،
[ایضاحات: نسخہ سی الی پاره، آلتی
آیلغی بر جلد، هر جلد ۲۶ نسخہ در.]

اخطارات

§ آبونه بدلی پشیندر.
§ آدرس تبدیلنده قرق پاره لك
پول کوندرملی در.
§ مسلكه موافق آثار مع المصنویه
قبول اولنور. درج ایدیلمه یازیلر
اعاده اولونماز.



اخطارات

رساله مزدن آلدیغی کوسترلك شرطیه
بتون یازیلر ه هانکی بر غزته طرفندن
اقتباس اولونه بیلیر.

§

مکتوبلرک، امضالرک واضح و اوقوناقلی
اولمسی و آبونه صره نومروسنی محتوی
بولونمسی؛

§

ممالك اجنبیه ایچون آبونه اولانلرک
آدرس لرینک فرانسزجه سی ده یازلمسی؛

§

پاره کوندردلیکی زمان نه یه دائر اولدیغنک
واضحاً بیلدیرلمسی رجا اولنور.

۱۳۳۰

بو قومیتہ تک نرودہ تشکل ایدوب ، منسوبینک کیملر اولدینی هنوز
مچولدر . بورایہ قدر بو وثیقہ تک کلشنہ ، کوندردلیکنہ باقیلرسہ - ہمدہ انکلز
پوستہ خانہ سیلہ - بو یوک بر تشکیلاتہ مالک اولدقلمی تسلیم ایدیلور .
ایشتہ کوریلورکہ انکلترہ ، دہا اوزون ومدیدبرمدت ایچون ہندستاندہ
اوطورمہ جق وکونک برندہ اورادن چیقاجق ویاخود چیقاریلہ جقدر .

س م . توفیق : بغداد :

نہ فیئد فیض

ظلمتدن نورہ

یقین زمانلرہ قدر دنیانک اوج بو یوک قطعہ سنہ حاکم اولان آلتی
یوز اوتوز سنہ لک قوجہ بر سلطنت اولا آفریقادن ، صوکرہ آوروپادن
چکیلش ؛ بوکون آسیادہ بیلہ بو یوک ، ہمیک بو یوک فداکارقلرلہ
یاشاہ بیلہ جک قدر کوچولش ایکن بزم حالا اویومامز ، حالا عبرت
کوزینی آچق طرفلرینہ یاناشاییشمز نہ آغلانہ جق فلاکتدر !

اجدادیمز بول بول تاریخ اوقورلرمش . حمد اولسون ، بزم اوکا
احتیاجز قالمادی ! زیرا یاشامق ایستہین ، لیکن انسانجہ یاشامق ایستہین
بر ملتک ناصل اولماسی لازم کلہ جکئی اطرافزہ باقنجہ کوریورز ؛
صوکرہ ، اللہ ذوالجلالک بو عالم خلقتدہ جاری اولان ازلی قانونلرینی
چیکنہ مک کی ، چیلغینلرہ بیلہ یاقیشماز ، بر جرأتدہ بولونان سفالت ،
محکومیت نامزدی جماعتلرک ناصیل پریشان اولدقلمی دہ کندی وجوہ
دیمزدہ طویورز .

اولہ ظن ایدرمک : ہیج بر تاریخ بو قدر آچق کورکو ، بو قدر
آچقلی - دوینغو تأمین ایدہمز !

ای اما ، بو کورکولرک قارشیسندہ ، بو دوینغولرک آلتندہ حالا
بو کورلک ، حالا بو دوینغوسزلق ناصل اولابیلور ؟

ایشتہ بر سؤالک : هرکس طرفندن ایلری سورولدی ؟ ایشتہ
بر سؤالک : کیسہ جیقوبدہ جوانی ویرہمدی !

اک یامان آجی . . . ملتک عاقل طانیلان اولادینی یأسہ دوشورن
آجی ، شو آلتندہ ازیلدیکمز مصیبتلردن زیادہ ، اومصیبتلردن متأثر
اولاماق فلاکتیدر .

اوت ، اوقور یازار کنجلیرمز حالا نفسانی هوسلر آرقہ سندنہ
قوشارکن ، متفکرلریمز شابک بوضلائی رشاد شکلندہ کوسترمہ یہ
صیقیلمازکن ؛ متفکرلریمز حجرہ مساعیلرینی سیاست اوجاغنہ چویررکن ؛
ادیبلریمز ، شاعرلریمز کنڈیلرینی ندیم دورندہ صانیرکن ؛ خطیلریمزک ،
واعظلریمزک آغزندن چیقان سوزلر ہیج بر قولاغک حدودینی آشہ ماق ،
هیج بر قلبہ کیرہ مہمک ماہیتنی حرزجان کی صاقلار طورورکن ؛
قلبلریمز معصوم ینلرہ رذائل مایہ سی آتیلان ، معالی حسنہ قارشہ
ابدی معافیت خصیصہ سی قازانڈیران برر ملعون شیرینغہ کسلیمکدہ

ہلہ شو صوٹ زمانلردہ ، ہندستاندہ اجرا وتطبیق ابتدکی مظالم فوق اعل
دہدن ، خلافت اسلام یہ قارشو اتحاد ابتدکاری وضعیت فسونکارانہ دن
مناذی اولان وکندیلرینی میدان حربہ کیتمکدن علناً واعانہ ویرمکدن خفیاً
منع ابدن انکلزلرہ نظرلرینی ، قوتلرینی طوغریدن طوغری یہ کوسترمک ایچون
آلردہ بر جمعیت خفیہ تشکیلہ تشبث ایلشردرکہ بو وثیقہ مقصدلرینی افہام ایلور .
وثیقہ مذکورہ تک بوتون موادینی ترجمہ ایتمکی موافق حال وقال کورہ .
مدیکم ایچون اک معتدل نقطہ لرینی قارئین کرامہ بر فکر ویرہ بیلیمک ایچون
عیناً ترجمہ ایدیورم :

« انکلزلری مملکتیزدن چیقارمق زمانی حلول ایتمش وجوقدن روزمانی
بیلہ یکمشدہ . کندی مملکتیزک ششوناتی اداره ایدہ جک قدر بزدہ - ہند
لیردہ - عقل ، ذکا ودرایت ، علم ومعرفت ، نقد وثروت ، وسائل ووسائط ،
حاصلی ہر شیتہ مبذولاً مالکیز . بوک ایچون غایت خفی بر قومیتہ تشکیانہ دہ
موفق اولدق . بو قومیتہ یہ انتساب ایدن اخوان بوتون موجودیتلرلہ چالیشہ .
جقلمینہ واجبای حالندہ ثروتلرینی ، جانلرینی بیلہ کندی استقلاللری اوغورندہ فدا
ایلہ جکلمینہ عین ایتدیلر . بوسوزلرندہ عزیمکارانہ ، مردانہ ثبات ایدہ جکلمینہ
امنیت کاملہ حاصل اولشدہ . چونکہ بولر ایلرودہ تارنخزدہ بو یوک بر نام
وشرف احراز ایدہ جکلمینہ اکلا یورلر . احتمالکہ اخلافز بوک ایچون صوم
آلتوندن ہیکلر رکز ایدوب بو صورتلہ تعالیلرلہ استراحتلرینی تأمین ایچون
وارقلرندن کچنلری بو صورتلہ تقدیر وتقدیس ایدہ جکلدہ .

« انکلزلر بوکنج وطنپرورلری پارہ ایلہ ، جاہ ومنصبیلہ ، التفات وتوجہلہ
آلدانہ میہ جقلمی کی کندیلرینی ضرب وجس ایلہ ، اذا واشکنجہ ایلہ ، نفی
وتبعیدلہ ، مؤید کورک وپرانفہ ایلہ ، حتی اعدام و احراقلہ بیلہ تہدیدہ موفق اولہ میہ جقلدہ .
چونکہ بوشیلردن قورقدقلمی جہتلہ بو قومیتہ یہ داخل اولدیلر . بوشیلرہ دوچار
اولہ جقلمینہ وقتندن اول بیلدیلرہ اولہ داخل اولدیلر . بو قومیتہ یہ منسوب
اولدقن صوکرہ وظائف مقدسہ سنی اہمال ایدنلرہ ، سرمزی دشمنہ صانلرک
سزاری قتلدر .

« بناء علیہ بزدہ ، بزم قومیتہ مزہ منسوب اخلاقسز ، چوروک برفرد یوقدر .
ہب وطنپرورلک ، علم وفضیلت حسیات و اخلاق سلاحرلہ مجہز بولورلر .
« بر زمانہ قدر انکلزلری تک تک . . . ایدہ جکز . فاعل اللہ ایدلرسہ
طبیعی براب اوجی اللہ ایدلسہ بیلہ ، حقیقی سویلہ جک وقومیتہ مزک نامنہ بو
وظیفہ مودوعہ سنی ایفا ایتمش اولدینی اقرار واعتراف ایدہ جکدر .

« اشکنجہ واذا شویلہ طورسون اتی قیللسہ ، پارچہ پارچہ ایدلسہ ہوایشہ
تشبث ایدنلری ، قومیتہ یی اظہار و اخبار ایتمہ جکدر . چونکہ ایدہ میہ جکدر .
بزویلہ صاغلام ، متین ، عزیمکار ، ثباتی وناموسکار آدملر جمع واتخاب
ایلمشزکہ ، کندیلرندن ہر صورتلہ امینز .

« بناء علیہ ، بو قومیتہ بر طرفندن (ترور) ، دیگر طرفندن آمریقاہ ،
آوروپاہ ہر سنہ ایک ییک طلبہ تحصیل ایچون کوندردہ جک و دہا شیمیدین
ہندستانک اداره آتیہ سیچون برپلان چیزمکملہ اشتغال ایلہ جکدر . ہرشی ایچون
بر اصول وقانون یازلقدہ اولدینی کی ، ہر ماموریت ایچوندہ بر شخص محترم
اتخاب اولنشدہ .

« کونک برندہ ، نصلکہ فخر عالم افندمز بر صباح طاغ باشنہ جیقوبدہ دعوت
حقہ سنی ، من طرف اللہ مبعوث اولدینی خلقہ بیان واعلان ایلدیلر ، بزدہ آنی اولہ رق
مساح ، مجہز مستعد وامادہ بر حال وضعیتلہ بردن برہ اورتہ یہ آیلوب (ہندستان
ہندیلرکدر) صدای مہیننی اعلان د شمنلرمزی یادکیزہ دوکوب دفع
ویاخود شمشیر آبدارمزی کیرلی قانلریلہ بولاشدیروب غدار حیاتلرینہ خاتمہ چکمک
صوریلہ شرف وحیثیتمزی تاریخ نظرندہ محافظہ وانتقاممزی استردادہ اللہک عون
وعنایتلہ ، ینیمبر دیشامزک ہمت معنویہ لریلہ موفق اولہ جئز .

« شمدیلک بو قدرلہ مقصدیمزی تشکیل ایدن مہم نقطہ لری بیان ایلہ اکشتا ایلرز .
« یالکیز شونی استرحام ایدرکہ بو وثیقہ یی کورنلر ، اللہ ایدنلر ، ناموسلی
کیسہ لایسہ صوک درجہ کتم ایتسونلر ، یاخود بزم فکر مزدہ بولنان ناموسلی
ذواتہ ایصال ایلسونلر . بو وصیتمزی ایفا ایتمانلر برشی قازانمہ جقلمی بدیہیدر . »

نشریه

بصره و مسقط :

هندستان بخار مخصوص بنفاددن اشعار ایدیور :

مطلب استواری تأسیسی . مسقطه . کویتده . بصرهده برچوق یکی مکاتب اسلامیہ تأسیس اندلش و طابہ علوم قیدینه مباشرت اولمشدر . بصرهده آسایش حکمرما اولوب . هیچ . حاده یوقدر . بصره والی وکیلی بورایه عودت ایتک اوزره ر . راددده وطنی الان شامه کیتسی مقررایش .

نشر اسلام صحیفی . مسقطده نشر اسلامیت ایچون مسقط حاکمک ولی دهدی اولان ذلک ریاستی تحتند بر جمعیت اسلامیہ تشکل ایتشد . جمعیتک تشکیله نظامه سنی یازن ذات و قتیلہ نجفیه (العلم) نامنده دینی و علمی بر جموعه چیقا ان (سید هبة الله شهرستانی) حضرتلریدر .

هندستان :

اعانه قومیسونک مقررات مهمه سی . هندستان بخار مخصوص بنفاددن اشعار ایدیور : هندستک بهوپال حاکمک سی طرفندن تشکیل ایدیلن اعانه قومیسونی مقررات آتیه یی اتحاد ایتدیکنی هند غزنه لری یازیور : ۱) . بوتون هندستاندن اون میلیون ایرا قدر بر اعانه طویلاق : ۲) . مبالغ مذکوره ایله حکومت عثمانیه ایچون بردونما صاتون آلتی : ۳) . هندستاندن مکاتب عالیة عثمانیه طلبه اعزام ایتک : ۴) . بونلر شهادتنا آلدقن صوکره جنسیت و تابعیت عثمانیه ایله تجنس ایتدکن صوکره دوتعلیه طرفندن استخدام اولملرنی احترام ایتک : ۵) . هند . ستاک بالعموم مکاتب اسلامیہ سنده تورکجه لسانی تدریس ایتک : ۶) . مقابله اردو لسانکده عثمانلی مکاتب عالیہ سنده تدریس اولمسی حکومت عثمانیه دن طلب ایتک : ۷) . مکه ، مدینه تشریف ایدن عموم مسلمانلردن بر حرب ویرکوسی آلتی ایون حکومت عثمانیه یی تشویق و ترغیب ایتک .

سبیل الرشادک آناتولی سبار مخاری

سبیل الرشاد محترم خلقمن طرفندن کوستریلن توجهاته قارشی وظیفه سنی برقات ده فداکارانه ایفا ایتک صورتیه فعلی بر شکران ادا ایتک ایسته یور . بونک ایچون آناتولی بی طولاشوب بر طرفندن اعمالیزک احتیاجاتی آکلایه رق بزه بیلدیرمک ؛ دیگر رفتن آتونه قید اولنق ارزو سنده بولن اخوان دینه قولایلق کوسترمک اوزره بر مأمور مخصوص اعزامنی منسب کورمشدر . مکتب حقوقدن مأذون عمر فؤاد بک بو وظیفه ایله توظیف ایدیلدیکندن ان شاء الله کله جک هفته طرفنده آناتولی یه متوجهاً حرکت ایدیه جکدر . اوغرایه جنی برلرده محترم قارئلرمن طرفندن مظهر حمایت اولمسی تمی ایدرز .

اشرف ادیب

سلانیک مطبعه سی

محمد عاکف

دوام ایدرکن . . . ینه مایوس اولماق ، ینه خیرلی بر آتی بکله مک انیکین ، اک متین آدملرک بیله کاری اولماسه کر کدر .

لکن عشق اولسون او قهرمان یورکله مک : بوقدر مصیبت ، بوقدر خسران ، بوقدر حرمان ، بوقدر فلاکت قارشیسنده ینه صار صیلماز ، ینه ییلمازده هر طرفدن قوشادلدینی محیط نائی اویاندیرمق ، ملتیی « ظلمتدن نوره » چیقارمق ایچون زمان زمان صمیمی فریادلر قویاریر ! ایشته بنم شمس الدینم او قهرمان یورکله مک بری ؛ ایشته بنم شمس الدینمک شو تالیفی اوفریادلرک اک مؤثریدر !

اولا شرقی آدم عقللی اوکرمن ؛ صکره غربی حقیله طانیان ، هر ایکی جهانک علومنی ، فنوننی ، عاداتی ، اجتماعاتی ییللرجه تدقیق ایدن شمس الدین شواثر یله بزه نلر کوستریور . نلر اوکره تیور ! او ، بر طیب اجتماعیدر ، لکن دیگر بر طاقم سر سملرکی عرضی مرضه ، مرضی عرضه قاریشدیرماز ، اعراضی مداوات ایله اوغراشماز . خسته لغک ماهیتنی آکلایه ، اسباب بولایه چالیشیر . شوسعینده موفق اوله بیلیمه سی ایچون احباب ایدن معلوماته صاحبدر ؛ هم صنعتیه ، هم خسته سنک فطرتنه حقیله واقفدر .

ذاتاً بزم فطرتمز ، بزم بنیه قومیتمز ، بزم ماضی معیشتمز بیلیمدکجه نه خسته لغمیزک ماهیتی آکلایه بیلیر ؛ نه ده معقول بر اصول مداوات اتحادی قابل اولور . یالکنز امراض داخلیه کتابلری او قومقله حکیمک ایدیلیمیه جکی کی بش اون اجتماعی اثرک صایوب دوکدیککی نظریه لرله ده بر ملته رهبرک ایدیلیمز . . . نته کیم ایدیلیمدی . . . حالاده ایدیلیمیور !

شمس الدینک شو تالیفی حقنده - خصوصیه بنم طرفندن - سویلنه جک سوزلر آنجق برر سوز اولور . ایشته او قدر ! بشقه درلو حرکت ایتک ایسته سم اثرک هر هانکی بخته عائد اولق اوزره بر مطالعه یور و تمک ایچون ینه او بختک التنده کی حقیقتلری تکرار ایتک ، لکن اوردن اوکره نلرک تکرار ایتک اضطرارنده قاله جیم .

ای سوکیلی قاره ، بواتری کمال امان ایله او قو ؛ او قویه جقلره توصیه ایت ؛ او قومایه جقلره ده مندرجاتی بیلدیر ، ای بیلیملی یزکه شو اولوم او یقوسندن سیلکینوب قالقماز ایچون حتی بر قاج شمس الدین حتی بر قاج بویله اثر یتیشمز ! اوت ، هپمز ، هر بریمز آیری آیری فدا کارلق ایتیملی یز . یأسه دوشمک هیچ طوغری دکل . چونک یأس عطالته مشروعبیت شکلی ویرمکدن باشقه بر معنایی مفید اوله ماز . ناصلکه سغیه ، عزیمه ، مجاهده یه مقرون اولمایان امیدلرده عینی معنایی افاده ایدر ! الله ذوالجلال نبی محترمی یعقوب علیه السلامک لسانندن « اوغلارم ، کیدیکز یوسفله قارده شی آراشدیریکز ، هم صاقین اللهک عنایتندن امیدیکزی کسمیکز . . . » بویوریور . کورویورسکیا . بزم مسلمانلر اولا کیتمک ، آرامق ، آراشدیرمقله ، صوکرده یأسه دوشمه مکله مأمورز . یأس حرامدر ، یأس کفردر . چالیشم . . . چالیشم . . . چالیشم . . . والذین جاهدوا فینا لنهیدنهم سبلنا .